

Фикҳ дарслари (150-дарс). Азоннинг суннати



19:00 / 19.08.2021 4117

اي؛ تَلُوق؛ لِقَاءُ رُوحِنَا، هِيَ بَابُ نَبِيِّكَ لِمَا دَبَعْنَا بِدَمْحُمْنَا نَعْنُ
تَلُوقُ خُبْرِ صَالِحِينَ أَوْ نَفْسٍ؛ لِقَاءُ نَبِيِّكَ لِمَا دَبَعْنَا بِدَمْحُمْنَا نَعْنُ
دَمْحُ أَوْ دَوَادُ وَبِأَهْوَاؤِ. «مُؤَنَّ لِمَا نَمُرُّ بِهَذَا الصَّلَاةِ وَالْمُؤَنَّ لِمَا نَمُرُّ بِهَذَا الصَّلَاةِ
بِطَرَقٍ رَادِلًا أَوْ

Муҳаммад ибн Абдулмалик ибн Абу Маҳзурадани, у отасидан, у бобосидан ривоят қилинади:

«Эй Аллоҳнинг Расули! Менга азоннинг суннатини ўргатинг», дедим. У зот:

«Қачонки бомдод бўлса, (азонида) «ас-солату хайрум минан-навм, ас-солату хайрум минан-навм...»ни айтасан», дедилар».

Дора Қутний, Аҳмад ва Абу Довуд ривоят қилишган.

Иқома ҳанафий мазҳаби бўйича, худди азоннинг лафзлари билан айтилади. Фақат «ҳайя ғалал фалаҳ»дан кейин икки марта «Қод қоматис солааҳ» («Намоз қоим бўлди»)ни қўшилади.

Иқома масжидга ёки жамоат намозига йиғилиб турганларга фарз намоз ўқиш бошланаётганини билдириш вазифасини ўтайди. Ёлғиз ўқиётган киши ҳам иқома айтса, яхши.

Барча ҳолатларда иқома айтиш суннати муаккададир. Азонни чўзиб, иқомани тезлатиброқ айтиш ҳаммага маълум.

Тасвийб қилинса яхши.

«Тасвийб» – азон билан иқома орасида иқома айтиш вақти яқинлашганини билдириб қўйиш. Бу баъзи жойларда «Ас-солаҳ!», бошқа бир ерларда «Қомат!» каби иборалар билан қилинади.

Иккисининг орасида бир оз ўтирилади.

لَا ق م ل س و ه ي ل ع ه ل ل ا ي ل ص ه ل ل ا ل و س ر ر ن أ ؛ ن ع ه ل ل ا ي ص ر ر ب ا ج ن ع
ل غ ا و ر ذ ح ا ف ت م ق ا ذ ا و ، ك ن ا د ا ي ف ل س ر ت ف ت ن د ا ا ذ ا ل ا ل ب ا ي ؛ ل ا ل ب ل
و ب ر ش ن م ب ر ا ش ل ا و ه ل ك ا ن م ل ك ا ل ا غ ر ف ي ا م ر ذ ق ك ت م ا ق ا و ك ن ا د ا ن ي ب
ي ذ م ر ت ل ا ه ا و ر . « و ت ج ا ح ا ض ق ل ل ح د ا ذ ا ر ص ت ع م ل ا و

Жобир розияллоҳу анхудан ривоят қилинади:

«Расулуллоҳ соллаллоҳу алайҳи васаллам Билолга:

«Эй Билол, қачон азон айтсанг, азонингни шошилмай, чўзиб айт. Қачон иқома айтсанг, тезроқ айт. Азонинг билан иқоманг орасида таом еувчи таомидан, шароб ичувчи шаробидан, қистаниб қолган қазои ҳожатдан фориғ бўлгунча вақт қўй», деганлар».

Термизий ривоят қилган.

Фақат шом бундан мустасно.

Шомни тезроқ ўқишга амрлар борлиги учун азондан кейин ўтирмасдан, бир оз ўтиши билан иқома айтилади.

Битта қазо намозга азон ҳам, иқома ҳам айтади.

«Кифоя» китобининг биринчи жузи асосида тайёрланди